

SECTION

5

YELYAGESGERAA
S&GEBBO



KƆKƆRE MERƆ

Dagaare kƆkƆre segebo begɛ

KYƎYUOBU

A wɛleme ɲa na kaa la a yelyagesegre parɛɛ. Yelyagesegeraa segebo taa la tɔno ko a Ghana kƆkƆɛ ane a zannoo bɔgere mine asen Bɔrefɔ ane Saadayel yelmanne.

A yelzu ulee ɲa zannoo baaroo zaa ka fo na tɔɔ

1. Sege yelmanne/segeremanna yelyagesegeraa
2. Sege yelbigiri /segeribigiraa yelyagesegeraa
3. Sege yel-e mannoo yelyagesegeraa

Zannoo yelbulo

- Yelyagesegeraa la yelyaga neɛ naɲ maɲ sege ka a kyaare yelzuri bee yelnyɔgere.
- Yɛ na zanne la yelyagesegeraa parɛɛ ata.
 - o Yelmanne/segeremanna yelyagesegeraa e la sensellon wogi ba naɲ maɲ sege ka o pukyaare a segere teeron a mannoo poɔ.
 - o Yelbigiri/segeribigiri yelyagesegeraa waa la gɔolon segere kaɲa ba naɲ maɲ veɲ ka karembiirii manne bee bigri bone, neɛ, zie, yelzannoo kaɲa, enkyere amk.
 - o Yel-e mannoo yelyagesegeraa ɲa e la yelyagesegeraa naɲ maɲ boɔro ka o bigri bee manne yeɛ kyaare boɲkaɲa. O maɲ tere la duoro ka a kyaane a kyaare yelzu kaɲa bee yelbulo mine.
- Yelyagesegere zaa taa la meeron tɛtɛɛ

YELBULO

Te zanne la yelzuri mine a weleme naŋ pare poɔ. Fo na baŋ teere la bone naŋ la yeɛ yelzuri? A yeɛ yelkpele la boŋ? Ka fɔɔ ne a karembi-to wa di deme baare sege a fo no-iri biŋ.

Pãã de a fo no-iri manne ne a ama naŋ tu a puliŋ kye.

Yeɛ yelzuri

Yeɛ yelzu e la yeɛ naŋ maŋ yeli kyaare ne a yelbul-gboli a dabegere poɔ. Yeɛ yelteere la a yeɛ na naŋ maŋ soŋ yolle a yelbul-gboli.

Yelyagesegeraa

Ka yelyagesegeraa na soma, aseŋ ka o tu gɔɔlonŋ kaŋa. A yelbulo seŋ ka a sege ka a lantaa soŋ a dabegere poɔ. Ka a ŋa na nye eebo a seŋ ka duoro naŋ yitaa ka a lantaa, ka yel-erre tutaa velaa , a wuli dansee, a kye de yelmanne wuli, amk

Yelmanne yelyagesegeraa

Yelmanne yelyagesegeraa waa la senselloŋ wogi ŋa a segere naŋ maŋ wuli le yelkaŋa naŋ e. A segere maŋ waa ŋa a nee meŋe naŋ nye a yeli ne nimiru bee ka ba manne ko o la. Yelbie naŋ wulo e-pare la ka a seŋ ka a segere maŋ de sege neŋ a yelyagesegeraa. Yeli naŋ e-pare, donne sensenlle, saadayeli, naapeele senselle amk

A mannoo yeliyagesegere yelnyɔgraa kaŋa la ka o de gɔɔlombie tesenŋ yembulo, tulimo, damanne eŋe ka a mannoo taa noɔ ane kaama. A mannoo o de sobiri a taa senselloŋ waalonŋ ko a kannema.

- Sege yeliyagesegeraa a manne fo bebidendenŋ sakuuri poɔ.
- Sege yeliyagesegeraa a manne wuli fo bondinɔnaa
- Sege senselloŋ kyaare lenee fo naŋ da di holidee kaŋa naŋ pare.
- Sege manne yeli kaŋa naŋ e fo nyɔvore poɔ ka fo zanne yeŋ
- Sege manne yelsonŋ kaŋa naŋ kpe fo nyɔvorenŋ kye wuli lenee fo naŋ e a ta be.

Toma 5.1

Bayiri toma : sege yeɛ yelzuri ane yeɛ yelkpele ayi kyaare a yelzu ŋa. Dɔgebo bebiri tigrɪ.

Toma 5.2

Kanne a yelyagesegeraa na a pulin kye de fo meɲe yelbie sege ne yelmanne yelyagesegeraa meeroŋ.

<https://open.library.okstate.edu/internationalcomposition/chapter/unique-characteristics-of-the-narrative-essay/>

Laŋ Gbulo toma: Ye di demɛ kyaare bone na gɔɔloŋ fo naŋ na de tage yelbulo lantaa eŋe dabegere poɔ. De bone fo naŋ zanne ka a tee fo.

Yelmanne yelyagesegeraa meeroŋ: Yelmanne yelyagesegeraa taa laa meeroŋ naŋ na soŋ ka fo sege yelyagesegeraa ka o soma

Kanne yelyagesegeraa na naŋ tu.

Read the text on <https://mhcc.pressbooks.pub/app/uploads/sites/31/2021/07/Narrative-Essay.pdf>

Toma 5.3

Ye zeŋ gbulo poɔ a de bone na ye naŋ zanne a kannoo poɔ wuli taa.

De a anaŋ ye naŋ zanne a kannoo poɔ manne ne a yelmanne yelyagesegeraa meeroŋ ama naŋ tu.

Kyeyuobu

Kyeyuobu naŋ tagera kanema: Piili ne soorebiri, bee pore yeɛ kaŋa naŋ na tage a kanekana hakela. Duoro mine naŋ kyaare a mannoo a kanekana naŋ seŋ ka o baŋ. Yelyagesegeraa yelzu naŋ taa yelbuli bee a yeɛ a mannoo naŋ kyaare.

Sɔga dabegere

Yelkpɛɛ na zaa naŋ kyaare a yelyage zu la maŋ sege a kye. Fo na de la wuobu gɔɔloŋ ka a soŋ fo ka fo manne yeɛ ka a kyaane. Dabege zaa seŋ ka o taa yelzu a kye taa baaraa zie naŋ na de te lonne ne dabege yuo poɔ.

kpuluu

La maaleŋ pore a yelzu

Lee peere a yelibullo.

Toma 5.4

1. Yε zεη bayiri a sege meeron na nan seje ne ka a poɔ mannoo yelyagesegraa poɔ
2. Yε zεη gbulo poɔ a sege yelyagesegraa nan kyaare tigri kaŋa fo nan da gaa a eje dabegere ata poɔ. Kanne ko fo taaba ka ye gyεle o
3. Gbuli zaa kanne a yelyagesegeraa a kaa iri a yelzu bee a dabegere zaa ananso kye wuli meeron na a segre nan de tage ne a kanna teeron

A Yuniveneti N nan da be te baa, n da e la neε nan baŋ boma a ba taa to. Mma da la a yuneveniti zuzεε ka N saa meŋ e Karema. A zuiŋ, n nan da baara ire zaa ka n be la zannoo poɔ. A n piilee saŋa, (nendaare kaŋa kolaagye bie) N da pɔge la puori gaabo yelwonni yaga saŋa na n nan da fieli a gyennoo kaŋa nan e nimizeε zaa. N da moɔra la a zannoo lambori ŋa velaa kye ka a le wa page ma.

Bambugo!.

Le la ka n da teere.

N sããε n dɔgereba poɔ gaŋ a zaa mmeŋa tore. Dabεε da kpe ma la te zuo. A bebiri zaa te baare la ka N da ba la sage n meŋa di azuiŋ n ba la baŋ niŋe gaabo yelee. Ba iri ma la poɔ noba nan na baŋ gaa a yuniveniti eŋ? Sere ka n zu dɔŋ, n da lee le la n dɔgereba nuuriŋ ka ba ko ma kanyiri ane moore terebo. A ba maaloo ane yeli pare pammo zuiŋ ba da tage ma la eje sori ka n da yi a tuo poɔ a nye ka a na seε la.

Õõ ,N sage la ka N fieli la a gyennoo ŋa poɔ ka N zu zaa dɔŋ kye N tɔɔ vare yi la a poɔ a bɔ karema ka o soŋ ma a yuoni zaa poɔ ka a yeli ŋa ta la pɔge ma kye ka N kanne do saa a karendie poɔ.

N da nye la ka fielibu poɔ la nensaalaa nyɔvore yelee poɔ kye le na te nan maŋ e kyaare a la na wuli te meŋe nyaabo. N meŋ la zanne la ka a soma la ka fo bɔ sommo yi noba zie.

N da kpi mare la a N karema a zanna nimizeε zaa. Azuiŋ, N zannoo da la gaa la niŋe ka n la piili banna boma. N meŋ la zanne la ka neε zaa ba balla tuo, kye le zaa a nan waa, fo na tɔɔ yi la a poɔ. A ŋaa la da leere N zannoo nyɔvore, ka N lee neε na n nan waa a zεε. N poɔ pelle la ane a yempaala N nan tu a kye a zanne. N poɔ pelle la ne a baabo N nan nye.

yelbigiri yelyagesegeraa

Bon la yelbigiri yelyagesegeraa?

Yelyagesegeraa kaŋa naŋ wullo yelkaŋa: bon, nee, zie, nyɔvore yeɛ, zu nyiili yeɛ, yeli naŋ ere waalon amk. Fo paa na de la gɔlon kaŋa a manne ka a kyaane welweli kyaare a bone na fo naŋ wuli. Bigruu yelyagesegeraa seŋ ka o kpe taa son, a kyaane ka a kɔkɔre taa kyelloo a kye wulo yelmeŋa gaŋ teeron

Yelyagesegeraa segebo meeron

Bigiruu yelyagesegeraa meeron yitaa ne la a anaŋ te naŋ zanne dare naŋ pare.

1. **Kyeyuobu:** O maŋ piili ne la yeli naŋ na tage a kankanna teeron kyaare a yelzu ka o kyaane. Ana baŋ waa la sooro naŋ ba boɔrɔ nɔiraa naŋ kyaare a yelzu yiibu zie.
2. **Soga Dabegere:** kye la ka a yelyagesegeraa anaso maŋ manne kyaane. A dabegere kaŋa zaa maŋ piili ne la yelzu naŋ maŋ nyɔge kanna teeron kye wuli ba bone na naŋ seŋ ka ba nye a dabegere poɔ. A maŋ tere la duoro naŋ kyaane ane yeldemannewulli mine.
3. **Kpulluu:** Lee kaa a yelbulo na naŋ sege ene a dabegere dendenɛ soba poɔ a wuli a yembulo na naŋ be a sɔga dabegere poɔ.

Bigiruu yelyagesegeraa yelzuri mine.

- Sini bee bondinɔnaa bigruu
- Ghana meŋa soobo bibiri tigiri
- Manne wuli gane kaŋa fo naŋ nɔŋ yaga
- Manne wuli bone fo naŋ baŋ kyaare meŋa soobo ane yelmeŋa sori tuubu.
- Manne wuli fo zɔmeŋe.
- Manne bigiri fo nansaal-teŋa dendenɛ gaabo.

Toma 5.5

De bone na fo naŋ zanne, manne wuli bigiruu yelyagesegeraa. O ne a yelmanne yelyagesegeraa waa la tɛtɛɛ?

- a. Pãã kaa a sini a kye kanne a yelzuri a puliŋ kye de a yelbulo naŋ kyaare bigiruu yelyagesegeraa wuli a fo gbuli deme. A meeron buosoba la ka fo teere ka o soma la yaga. Bonso?

Bigruu yelyagesegeraa waalonj

- Asej ka o kyaane ko a kanna. A kɔkɔre seje ka o kyaare ne a yelnyɔgeraa
- Eje a kɔkɔre gɔɔlombie. A seje ka a segere eje damanne, bigruu yelbie, bondemannewulli ane eronwuluu ka a kyaane ko a kyelkyelbe.
- Iri yelbi-tegre manne ne a yeɛ ka a kanna koŋ baŋ inni

Toma 5.6

Bigiruu yelyagesegeraa yelzuri mine.

- 1 A dendenj soba la ka fo peere yeɛ kyaare ne a yelzu na ba naŋ ko fo. Sege ne gɔɔlonj kaŋa booro. Wuli duoro kyaare le fo naŋ booro ka fo tu kye sege.

Yiilonj, sege a yeltuuri ka a tu taa velaa a wuli le fo naŋ na yeli.

Taalonj, sege a yeɛ yelzuri eje a dabegere kaŋa zaa poɔ

2. Baaraanj, kanne tuuli a maale a segere mine eje ka a tori sere ka fo tere. A ŋaa na soŋ maale la yeli na zaa naŋ ba tori eje.

Fo na de la yeɛ mine a poɔ a ama poɔ be? A dabie anaare ama naŋ tu abobo la ka fo teere ka a soma la yaga ne yelyagesegeraa segebo?

Toma 5.7

1. Ye zenj gbulo a sege bigiruu yelyagesegeraa ka o ta dabegere ata kyaare Ghana tentere kye di demɛ kyaare ne a yelbulo anaŋ naŋ na soŋ fo a yelyagesegeraa segebo saŋa. De fo yelyagesegeraa wuli fo taaba.
2. Wuli kɔkɔre yitaalonj ne tɛtɛelonj na fo naŋ ma de sege ne yelmanne ane bigiruu yelyagesegeraa. De fo peerenyere wuli fo karembi-taaba.

Yelmanne bee segeremannaa yelyagesegeraa

A yelyagesegeraa ŋa maŋ kyaare la bee bigre la boŋkaŋa. O maŋ veŋe la ka yelzu bammo kyaane velaa, bone a yelzu naŋ wullo ane a sobie na zaa fo naŋ na tu a baŋ yelwulaa a segere naŋ wullo.

Yelmanne yelyagesegeraa segebo dabile

Ka fōō na sege yelmanne yelyagesegeraa ka o soma a na veele la ka fo ban a yelzu pare.

Yelmanne yelyagesegeraa yelzuri mine la ama nan tu;

1. Bonso ka noba nan kyene boora sagama poɔ kpeebo?
2. Di demɛ kyaare ne zu-dan laafeelon yeɛ
3. Manne wuli faalon na teere bonne kyebo nan na wane.
4. Lenɛɛ saseɛ poɔ duoro nan saana zannoo sakue poɔ.

Ka fōō na sege yelmanne yelyagesegeraa a seŋ ka fo tu a sobie ama.

- a. Kanne a soorebiri yelzu velaa
- b. la maalen kanne a segere na fo nan sege kyaare a zannoo. Ka fōō nan boora sommo, veŋ ka a fo karema soŋ manne yeli ka a kyaane. Ka fōō la boora duoro mine ka fo poɔ, fo na ban la kanne la yi gan-yobo poɔ bee kompiitare poɔ.
- c. Ōmaare a toma ka e bilii a bale
- d. Maale yelbulo meeron dabile kyaare ne fo yelyagesegeraa
- e. Sege yelɲmaa nan e yelzu a wulo a fo yelyagesegeraa meeron ne waalon

Teeron zuluŋ: ka fōō kanne a dabile ama zaa baare, yelmanne yelyaga segebo na eɛ molo. boŋ goolon la ka fo teere ka a na soŋ so la ka fo nare.

Yelmanne segebo meeron

Yelmanne yelyagesegera meeron la a ŋa nan tu.

1. **Yelyagesegeraa kyeyuobu:** Yelyagesegeraa zaa seŋ ka o taa kyeyuobu. A kyeyuobu ŋa la man tage a kanekana teeron wane a segere poɔ. Pore yeɛ na fo nan na yeli kyaare a yelzu ŋmaa le
2. **Soga dabegere:** Gbeɛ yaga o man taa dabegere ata bee a gan le a ko yelyagesegere wogiri. A kye la ka fo man de a yelyaga zaa poɔge a yelzu ka o kpe. Dabegere zaa seŋ ka o man taa yelbuli bonyeni. A ŋaa na soŋ la ka yeɛ pare kyaane welweli. A soŋ la ka fo man piili dabegere zaa ka o taa yelnyogeraa na nan be a piiluu dabegere poɔ.
3. **Kpulluu:** A yeɛ zu kpulluu ŋa la man are ko a yelzu na segere bee a demmo nan kyaare. A zu kpulluu man nyoge la segere yelbullo zaa lantaa ka neɛ kaa o kye ŋmaa sereɛ kyaare a segere zaa.

Ye zeŋ bayiri a kanne a yeɛ ama nan tu kye di demɛ kyaare yel-e mannoo yelyagesegeraa

<https://www.quora.com/What-are-the-characteristics-of-an-expository-essay>

Toma 5.6

1. Manne wuli yelyagesĒgeraa tēge. De bone na fo naŋ sēge wuli fo karembitaaba
2. Yε zeŋ bayiri a kanne yelyagesĒgeraa yeldemannewulaa kyε di dεmε kyaare ne yel-e mannoo yelyagesĒgeraa meeroŋ. De anaŋ fo naŋ nye wuli fo taaba.

<https://assets.myperfectwords.com/blog/expository-essay/expository-essay-examples/expository-essay-example-grade-7-pdf.pdf>

3. Yε zeŋ gbulo a di dεmε kyaare ne yel-e manne yelyagesĒgeraa sēgebo dabiε. De wuli a karembiiri zaa.
4. Sēge yel-e manne yelyagesĒgeraa eŋe dabagere ata poɔ a kyaare a yelzu “bonso ka noba naŋ boɔɔ ka ba duoro sagama zu?” de ko a karembie kaŋa ka o wuli a meeroŋ.
5. A yε gbulo poɔ yε wuli yitaaloŋ ane tεtεeloŋ naŋ na be yelbigiri ane yel-e mannoo yelyagesĒgeraa poɔ.

LEEPEROO SOOREBIE

1. Sège mannoo yelyagesegeraa a eɲe dabegere yeni poɔ kyɛ wuli a yeɛ yelzuri ane a yelkpɛɛ a o poɔ
2. De fo meɲe yelbie manne wuli ne a yelmanne yelyagesegeraa
3. Sège yelyagesegeraa ka o saa welweli kyaare a yelzu ɲa, “**yelson ɲ nan nyɛ ɲ nyɔvoren**”
4. Di dɛmɛ kyaare ne yelmanne yelyagesegeraa meeron. De a fo yelnyerre wuli fo taaba.
5. Sège yelyagesegeraa eɲe dabegere ata poɔ kyaare ne yelzu, “**sori ɲ nan tu a koɲ inni o yeɛ**” kyɛ di dɛmɛ kyaare ne yelmanne yelyagesegeraa na fo nan sège meeron. wuli a yeɛ yelzu a dabegere kaɲa zaa poɔ
6. Wuli dabie fo nan na tu kyaare a yelyagesegeraa yelzu ɲa “**N sakuuri waalon**”. Taa yelyagesegeraa dabie ne a meeron na a waalon fo teeron
7. Sège yelbigiri/sɛgebigiraa yelyagesegeraa ka o na ta dabegere ata kyaare ne a yelzu “**N zomeɲ nɔnaa**”. Taa yelbigiri yelyagesegeraa meeron fo teeron.
8. Yel-e mannoo yelyagesegeraa la boɲ?
9. Sège yel-e mannoo yelyagesegeraa ka o ta dabegere ata kyaare ne a yelzu “**Teere bone kyeɛbo faalon**”. Gyɛle o tutaalon ane a meeron
10. De yelmanne yelyagesegeraa ne yel-e mannoo yelyagesegeraa pɛre taa, a wuli a yitaalon ane a tɛtɛelon

EXTENDED READING

1. Read for further knowledge: <https://www.grammarly.com/blog/expository-essay/>
2. Denenga, M. S. (2019). Writing Mastery: Expository Essay: Expository Essay. Munaii
3. Josephine, E. (2020). Narrative Essay <https://doi.org/10.13140/RG.2.2.29485.03041>
4. Lee, K. (2020). How to write great essays. Calvin Lee
5. For more on narrative essay
6. https://www.researchgate.net/publication/338778494_Narrative_Essay
7. Read for further clarification <https://myperfectwords.com/blog/descriptive-essay>
8. Neumann, J. (2016). A professor's guide to writing essays: The no-nonsense plan for better writing. 2nd Edition. Jacob Neumann
9. Read <https://fresh-essay.com/descriptive-essays>

REFERENCES

1. Ackley, E. et al (1986) Macmillan English 12 Macmillan Publishing Company 886 Third Avenue New York, NY 10022
2. Crew, F. (1987), The Random House Handbook (5th Edition) McGraw-Hill Publishing Company New York
3. MacGraw Hill, G. (2000) Grammar and Composition Handbook McGraw-Hill Publishing Company
4. Grieve D. W., and Pratt, K (1971), Certificate English Language, Western Printing Service Ltd., Bristol
5. Herfferman, A.W and Lincoln, J.E. (1982), Writing, A College Handbook, Third Ed. W.W. Norton & Company Inc. London
6. Marius, R. & Wiener H.S. (1988), College Handbook (2nd edition) The McGraw – Hill Publishing Company

ACKNOWLEDGEMENTS



Ghana Education Service (GES)

